



## SAOBRAĆAJ

### Prvi put registrovana cestovna motorna vozila, januar 2025.<sup>1</sup>


U januaru 2025. godine prvi put registrovano je 7 662 motorna vozila, što predstavlja rast od 14,1% prvi put registrovanih motornih vozila u Bosni i Hercegovini u odnosu na isti mjesec prethodne godine. Od ukupnog broja prvi put registrovanih vozila najzastupljeniji su: putnički automobili (81,5%), kamioni (6,5%), prikolice (2,7%), poluprikolice (1,2%), cestovni tegljači (1,1%), motocikli (0,9%), specijalna vozila (0,5%), autobusi (0,4%), dok je najmanji udio prvi put registrovanih mopeda (0,3%). Kategorija ostalo učestvuje sa 5,0% registrovanih motornih vozila u odnosu na ukupan broj registrovanih vozila.

Ukupno je registrovano 1 081 novo motorno vozilo, što predstavlja porast od 12,1% prvi put registrovanih novih motornih vozila u Bosni i Hercegovini u odnosu na isti mjesec prethodne godine. Od ukupnog broja prvi put registrovanih vozila u mjesecu januaru 2025. godine 14,1% odnosi se na nova vozila.

Ukoliko posmatramo prvi put registrovana nova motorna vozila, procentualno najviše je registrovanih putničkih automobila (61,3%). Tokom januara 2025. godine od ukupnog broja prvi put registrovanih novih vozila 51,2% vozila registrovano je od strane fizičkih lica.

U kategoriji novi putnički automobili, najveće procentualno učešće imaju automobili koji kao pogonsko gorivo koriste benzin (44,5%).

#### G. 1. Prvi put registrovana nova i polovna vozila, januar 2025.



<sup>1</sup> Izvor podataka: Agencija za identifikacione dokumente, evidenciju i razmjenu podataka Bosne i Hercegovine


### T.1. Prvi put registrovana motorna vozila u BiH

Kategorije motornih vozila	2024										2025
	IV	V	VI	VII	VIII	IX	X	XI	XII	I	
<b>Ukupno</b>	<b>10476</b>	<b>10174</b>	<b>9548</b>	<b>11380</b>	<b>9619</b>	<b>9040</b>	<b>9874</b>	<b>8175</b>	<b>8505</b>	<b>7662</b>	
Mopedi	282	270	296	399	309	165	94	29	15	20	
Motocikli	656	617	559	706	476	241	164	66	38	70	
Putnički automobili	7578	7367	7172	8588	7226	6851	7952	6685	7041	6243	
Autobusi	44	33	11	29	34	32	34	19	27	29	
Kamioni	728	664	573	598	564	607	724	597	603	496	
Cestovni tegljači	121	101	107	127	148	167	104	94	66	82	
Specijalna vozila	92	83	82	88	75	81	81	74	52	42	
Prikolice	309	293	249	298	233	267	280	239	224	207	
Poluprikolice	137	105	97	136	143	174	107	99	87	93	
Ostalo <sup>2</sup>	529	641	402	411	411	455	334	273	352	380	

### T.2. Prvi put registrovana nova motorna vozila


Kategorije motornih vozila	2024										2025
	IV	V	VI	VII	VIII	IX	X	XI	XII	I	
<b>Ukupno</b>	<b>1914</b>	<b>2001</b>	<b>1686</b>	<b>1786</b>	<b>1502</b>	<b>1312</b>	<b>1340</b>	<b>1155</b>	<b>1192</b>	<b>1081</b>	
Mopedi	112	125	127	200	168	73	42	10	3	5	
Motocikli	143	142	170	198	145	75	30	15	6	21	
Putnički automobili	948	936	880	841	685	600	752	683	755	663	
Autobusi	15	2	2	5	4	0	3	1	2	1	
Kamioni	182	155	135	115	123	137	171	133	129	88	
Cestovni tegljači	18	11	19	23	24	23	10	13	1	3	
Specijalna vozila	33	32	22	25	19	29	29	33	12	10	
Prikolice	163	157	122	156	113	120	133	134	108	101	
Poluprikolice	43	35	25	38	39	44	20	25	15	11	
Ostalo <sup>2</sup>	257	406	184	185	182	211	150	108	161	178	

### G.2. Prvi put registrovana nova vozila, prema tipu vlasništva



<sup>2</sup> Kategorija ostalo uključuje: traktore, priključna vozila za traktore i radne mašine.

### G.3. Prvi put registrovana nova vozila, prema tipu pogonskog goriva



#### METODOLOŠKA OBJAŠNJENJA

##### Izvori i metode prikupljanja podataka

Podatke u ovom saopćenju Agencija za statistiku Bosne i Hercegovine kompilira na osnovu dostupne baze podataka o registrovanim cestovnim motornim vozilima Agencije za identifikacione dokumente, evidenciju i razmjenu podataka Bosne i Hercegovine – IDDEEA.

##### DEFINICIJE

##### Datum prve registracije

Datum prve registracije motornog vozila je datum prve registracije novog vozila kada je upisan u jedinstvenu bazu registrovanih vozila, bez obzira na zemlju registrovanja.

##### Prvi put registrovana vozila

Prvi put registrovana vozila uključuju prvi put registrovana vozila u referentnom periodu (datum prve registracije) kao i ponovnu registraciju ranije registrovanih vozila, koja su određeni period bila u stanju mirovanja. U ovu kategoriju uključuju se i uvezena polovna vozila.

##### Cestovno motorno vozilo

Cestovno vozilo sa motorom koji čini njegovo jedino pogonsko sredstvo, koje obično služi za prijevoz putnika ili robe, odnosno za vuču cestom vozila koja se koriste za prijevoz putnika ili robe.

##### Cestovno vozilo za prevoz putnika

Cestovno vozilo koje je isključivo ili uglavnom projektovano za prijevoz jedne ili više osoba.

##### Moped

Cestovno vozilo na dva, tri ili četiri točka sa motorom zapremine od najviše 50 cm<sup>3</sup> i čija je brzina fabrički ograničena u skladu sa važećim nacionalnim propisima.

##### Motocikl

Cestovno motorno vozilo na dva, tri ili četiri točka čija masa bez tereta ne prelazi 400 kg. Obuhvataju se sva ostala vozila zapremine motora od 50 cm<sup>3</sup> ili više, kao i vozila zapremine motora ispod 50 cm<sup>3</sup>, ali koja ne pripadaju kategoriji mopeda.

##### Putnički automobil

Cestovno motorno vozilo osim mopeda ili motocikla, namijenjeno prijevozu putnika, sa najviše devet sjedišta za odrasle osobe (uključujući i mjesto vozača).

##### Autobus ili mini-bus

Putničko cestovno motorno vozilo projektovano da primi više od devet osoba (uključujući i vozača).

##### Autobus, gradski

Putničko cestovno motorno vozilo projektovano da primi više od dvadeset četiri osobe (uključujući i vozača), namijenjeno kako za prijevoz putnika koji sjede tako i za putnike koji stoje.

**Autobus, međugradski**

Putničko cestovno motorno vozilo projektovano za dvadeset četiri sjedišta i više (uključujući i vozača) i konstruisano isključivo za prijevoz putnika koji sjede.

**Mini-bus**

Putničko cestovno motorno vozilo projektovano za prijevoz 10-23 osoba koje sjede ili stoje (uključujući i vozača).

**Trolejbus**

Cestovno vozilo za prijevoz putnika sa više od devet sjedišta za odrasle (uključujući i mjesto vozača) povezano sa električnim provodnikom i koje se ne kreće po šinama.

**Cestovno motorno vozilo za prijevoz robe**

Cestovno motorno vozilo, samostalno (kamion) ili kombinacija više cestovnih vozila (kamion sa prikolicom ili prikolicama, ili cestovni tegljač sa poluprikolicom i sa/bez prikolice) projektovane za prijevoz robe.

**Kamion**

Robusno cestovno motorno vozilo projektovano isključivo ili uglavnom za prijevoz robe.

**Cestovni tegljač**

Cestovno motorno vozilo koje je isključivo ili uglavnom namijenjeno za vuču drugih cestovnih vozila bez motora (uglavnom poluprikolice).

Ne obuhvataju se poljoprivredni traktori.

**Poljoprivredni traktor**

Motorno vozilo isključivo ili uglavnom projektovano u poljoprivredne svrhe, bez obzira da li mu je dozvoljeno ili nije kretanje po cestama otvorenim za javni saobraćaj.

**Prikolica**

Cestovno vozilo za prijevoz robe koje je projektovano da bude vučeno drugim cestovnim motornim vozilom.

**Poljoprivredna prikolica**

Prikolica isključivo (ili uglavnom) projektovana u poljoprivredne svrhe i da bude vučena poljoprivrednim traktorom, bez obzira da li joj je dozvoljeno kretanje po cestama otvorenim za javni saobraćaj.

**Poluprikolica**

Cestovno vozilo za prijevoz robe bez prednje osovine projektovano tako da se jedan dio vozila i znatan dio njegovog tovara oslanja na cestovni tegljač.

**Nosivost**

Maksimalna masa (težina) robe dozvoljena od nadležnog organa zemlje registracije vozila.

**Najveća dozvoljena masa vozila**

Maksimalna tehnički dozvoljena masa (najveća dozvoljena masa) je podatak koji se dobije sabiranjem mase vozila i dopuštene nosivosti.

**Masa vozila**

Masa vozila je masa praznog vozila sa punim rezervoarom goriva, priborom i opremom predviđenom za vozilo.

**Dopuštena nosivost**

Dopuštena nosivost je dopuštena masa do koje se vozilo smije opteretiti, prema deklaraciji proizvođača.

**Starost cestovnog vozila**

Broj godina proteklih od prve registracije cestovnog vozila, bez obzira na zemlju registrovanja.

**Pogonska energija**

Osnovna vrsta pogonske energije koju koriste motorna vozila odobrena od nadležnog organa zemlje registracije vozila.

**Alternativno gorivo**

Vrsta pogonske energije motora koja nije konvencionalno gorivo.

Publikuje Agencija za statistiku Bosne i Hercegovine, 71000 Sarajevo, Zelenih beretki 26

Telefon: +387 (33) 911 911 | Telefaks: +387 (33) 220 622

Elektronska pošta: [bhas@bhas.gov.ba](mailto:bhas@bhas.gov.ba) | Internetska stranica: [www.bhas.gov.ba](http://www.bhas.gov.ba)

Odgovorne osobe:

Alen Bajramović, šef Odsjeka za uslužne statistike

Vesna Čužić, direktorica

Saopćenje priredila: Emina Mehanović



Razmislite o očuvanju okoliša prije štampanja dokumenta.